

Jasmin Duvnjak
Delegat u Domu naroda Parlamenta FBiH

Primljeno: 14-02-2022			
Org. jed.	Broj	Priloga	Vrijednost
02 -	02 -	1829	/21

Bosna i Hercegovina
Federacija Bosne i Hercegovine
Dom naroda Parlamenta FBiH
n/r. predsjedavajući gosp. Tomislav Martinović

Predmet: Amandman na Prijedlog Zakona o izmjenama i dopunama Zakona o penzijskom i invalidskom osiguranju

Na osnovu člana 177. Poslovnika o radu Doma naroda Parlamenta Federacije BiH („Službene novine Federacije BiH“, broj: 27/03 i 21/09), podnosim:

AMANDMAN

NA PRIJEDLOG ZAKONA O IZMJENAMA I DOPUNAMA ZAKONA O PENZIJSKOM I INVALIDSKOM OSIGURANJU

AMANDMAN I

U članu 82. iza riječi: „po međunarodnim ugovorima“ dodaju se riječi: „i Sporazumom o međusobnim pravima i obavezama u sprovođenju penzijskog i invalidskog osiguranja („Službene novine Federacije BiH“, broj: 24/00), zaključenog između nosilaca osiguranja u entitetima BiH“.

Iza stava (1) dodaje se novi st. (2) i (3), koji glase:

„(2) Izuzetno, od stava (1) ovog člana, u slučaju da je zbirni iznos srazmjernih penzija ostvarenih u skladu sa Sporazumom iz stava (1) ovog člana manji od najnižeg iznosa penzije iz člana 81. ovog zakona, korisniku starosne, porodične, odnosno invalidske penzije pripada i razlika od zbirnog iznosa srazmjernih penzija do iznosa najniže penzije iz člana 81. ovog zakona. Pravo isplatu razliku penzije do iznosa najniže penzije iz člana 81. ovog zakona, korisnik srazmjerne penzije ostvaruje od momenta podnošenja zahtjeva za ostvarivanje ovog prava, a u skladu sa stavom (3) ovog člana.

(3) Postupak i potrebnu dokumentaciju za ostvarivanje prava na razliku do iznosa najniže penzije iz stava (2) ovog člana uredit će nosilac osiguranja svojim aktom.“

Obrazloženje

Amandmanom na Prijedlog Zakona o dopuni Zakona o penzijskom i invalidskom osiguranju izvršena je dopuna člana 82. stav (1) na način da se iza riječi „po međunarodnim ugovorima“ dodaju riječi „i Sporazumom o međusobnim pravima i obavezama u sprovođenju penzijskog i invalidskog osiguranja („Službene novine Federacije BiH“, broj: 24/00), zaključenog između nosilaca osiguranja u entitetima Bosne i Hercegovine“.

Na ovaj način izvršena je preciznija formulacija stava (1), a koja se primjenjuje u praksi stupanjem na snagu Zakona o penzijskom i invalidskom osiguranju.

Nadalje, dodaju se novi stav (2) i stav (3).

Stav (2) je dodan, u smislu da, izuzetno, od stava (1) ovog člana, u slučaju da je zbirni iznos srazmjernih penzija ostvarenih u skladu sa Sporazumom iz stava (1) ovog člana manji od najnižeg iznosa penzije iz člana 81. ovog Zakona, korisnik starosne, porodične, odnosno invalidske penzije, pripada i razlika od zbirnog iznosa srazmjernih penzija do iznosa najniže penzije iz člana 81. ovog Zakona. Ovaj stav dodan kako bi se uklonila svojevrsna dugogodišnja nepravda za lica koja imaju ostvaren staž u Federaciji BiH i Republici Srpskoj, koja rezultira tim da imaju ukupan zbir penzija manji od najnižeg iznosa penzije. Dakle, zbir penzije iz Federacije BiH i Republike Srpske, manji je od iznosa najniže penzije, u kom slučaju takvim korisnicima, jer je riječ o srazmjernim penzijama, ne pripada pravo na korištenje zaštitnog mehanizma u vidu najniže penzije. Stavom (3) regulisan je način postupka i potrebne dokumentacije za ostvarivanje prava na razliku do iznosa najniže penzije, a koje će urediti nosilac osiguranja svojim aktom.

PODNOŠILAC

